

- 1. KANTONALNO TUŽILAŠTVO KANTONA SARAJEVO – ul. Radićeva br. 6, Sarajevo, kojeg zastupa Glavna Kantonalna tužiteljica Kantona Sarajevo SABINA SARAJLIJA, ID: 4200223290004, (u daljem tekstu: Kupac) i**
- 2. PROTIM D.O.O. SARAJEVO, Dobrinjske bolnice 1A, 71000 Sarajevo, kojeg zastupa direktor Dino Duran, ID: 4202459050007 (u daljem tekstu: Prodavac);**

zaključuju slijedeći:

U G O V O R

O NABAVCI KANCELARIJSKOG NAMJEŠTAJA ZA POTREBE KANTONALNOG TUŽILAŠTVA KANTONA SARAJEVO

Član 1.

Predmet ovog Ugovora je isporuka, montaža i unos kancelarijskog namještaja (Stolica kancelarijska MANAGER A PVC sa rukonaslonima eko koža crna – 10 komada; Kancelarijski stol 160*70 cm, iveral 25mm, - 4 komada; Ladičar mobilni sa 3 ladice i ključem – 4 komada; Polica otvorena za spise 220*50*37 cm, iveral 18 mm, 6 podesivih polica – 1 komad; Polica otvorena za spise 220*80*37 cm, iveral 18 mm, 6 podesivih polica – 1 komad; Polica otvorena za spise 215*60*37 cm, iveral 18 mm, 6 podesivih polica – 2 komada; Polica otvorena za spise 215*80*37 cm, iveral 18 mm, 6 podesivih polica – 3 komada; Polica otvorena za spise 180*80*37 cm, iveral 18 mm, 4 podesive police – 3 komada i Ormar sa vratima i ključem jednokrlni 180*50*40 cm, iveral 18 mm, 4 podesive police – 3 komada) za potrebe Kantonalnog tužilaštva Kantona Sarajevo, po ukupnoj vrijednosti ponude u iznosu od 5.920,00 KM (slovima: pethiljadadevetstotinaidvadeset KM) bez PDV-a, odnosno 6.926,40 KM sa PDV-om (šestiljadadevetstotinaidvadesetšest i 40/100 KM), a u skladu sa ponudom Prodavca broj: 580/2019 od 06.11.2019. godine.

Sastavni dio ovog Ugovora je prihvaćena Ponuda Prodavca broj: 580/2019 od 06.11.2019. godine.

Član 2.

Prodavac se obavezuje da će isporuku kancelarijskog namještaja iz člana 1. izvršiti u skladu sa zahtjevom Kupca i da će odmah postupiti po eventualnim primjedbama Kupca, u pogledu nedostataka na ime kvaliteta izvršene nabavke i dostavljenog kancelarijskog namještaja. Kupac će utvrditi razuman rok za ispravku propusta Prodavca, u smislu izvršene nabavke i za račun Prodavca.

Član 3.

Plaćanje će se izvršiti najkasnije u roku od 30 dana od datuma ispostave fakture za uredno isporučeni kancelarijski namještaj. Plaćanje se vrši putem JR Trezor Kantona Sarajevo, na žiro račun Prodavca broj: 338 730 221 253 7891 otvoren kod Unicredit Bank d.d. Sarajevo.

Član 4.

Prodavac se obavezuje da će u skladu sa članom 1. ovog Ugovora isporučiti kancelarijski namještaj Kupcu, na osnovu narudžbe iskazane u pisanom obliku. Isporuka kancelarijskog namještaja je na paritetu DDP prostorije Kupca. Prodavac se obavezuje na rok isporuke navedenog kancelarijskog namještaja najkasnije 30 (trideset) dana nakon obostranog potpisivanja Ugovora.

Član 5.

Prodavac se obavezuje na garantni rok za isporučeni kancelarijski namještaj u trajanju od 12 (dvanaest) mjeseci od dana isporuke.

Servis u garantnom roku je besplatan. Kupac se obavezuje da izvrši popravku ili zamjenu oštećenog kancelarijskog namještaja, ukoliko se navedena oštećenja nisu mogla uočiti prilikom preuzimanja predmetne robe.

Član 6.

Ugovorne strane su saglasne da će eventualne sporove pri realizaciji ovog Ugovora rješavati mirnim putem, u suprotnom, priznaju nadležnost Općinskog suda u Sarajevu.

Član 7.

Na ostala prava i obaveze ugovornih strana, koje nisu regulisane ovim Ugovorom, primjenjivat će se odredbe Zakona o obligacionim odnosima.

Član 8.

Ovaj Ugovor se zaključuje na određeni period do realizacije nabavke iz člana 1. i 3. ovog Ugovora i postupanja Prodavca po eventualnim primjedbama Kupca, u pogledu nedostataka vezanih za kvalitet i realizaciju nabavke. Stupa na snagu danom obostranog potpisivanja.

Član 9.

Ugovor je sačinjen u 4 (četiri) istovjetna primjeraka, od kojih svaka ugovorna strana zadržava po 2 (dva) primjerka, za svoje potrebe.

PRODAVAC:

Direktor:

KUPAC:

**Kantonalno tužilaštvo Kantona Sarajevo
Glavna Kantonalna tužiteljica:**

Sabina Sarajlija

**Broj: 39/2019
Sarajevo, 11.11.2019. godine**

**Broj: A-III-45/19-III
Sarajevo, 11.11.2019. godine**